

A TREASURY OF CURIOUS GEORGE


Margret and H.A. Rey

Copyright © by Houghton Mifflin Company

Ia noi kucLi .terCang.

klama fu lo trene






ni'o ti me la .tercang. goi ko'a  
.i ko'a vrude je cmalu smani gi'e roroi kucli mutce  
.i ca lo donri ko'a joi le nanmu pe le pelxu mapku ge'u vu'o goi fo'a  
zvati lo trene tcana



.i fo'a joi lo pendo be fo'a ku po'u la .nim. .jesnis. pu'o litru lo nurma  
 .i ku'i lo go'i cu nitcu lomu'e cpacu loi pikta kei loli'i ca'o go'i



.i bu'u le tcana roda zuksutra  
 .i loi prenu goi fo'a sutra lopu'u terve'u loi karni noi ba se tcidu .e loi pukydja noi ba se citka  
 .ibabo fo'a sutra loza'i se marce lo fo'a trene



.i ku'i pa cmalu nanla poi jgari lo ninmu'o ke matryselre'e selkei zi'e goi ko'e na zuksutra  
 .ije go'i fa lo prenu so'omei ne'a ko'e  
 .i ri joi ko'e ve'i sanli gi'e po'o gapcta  
 .i ko'a ji'a gapcta



.i lo rentro goi ko'i muvgau loi namcu .e loi lerfu fu lo barda gubycita .ibazibo ko'i vu se klacpe  
 .i ku'i ko'i na simlu loka mo'u gunka  
 .i ko'a kucli lojei kakne lonu sidju

ko'a gu'irsutra lopusu gapcpare



.ijebabo setaisai ko'i ko'a tolpu'i lo lerfu le gubycita  
gi'e punji vo'e lo drata

# klamu'o


# cliva

	tcadu	tcika	tsina		tcadu	tcika	tsina
la .vuz. tcad.	6	3 0	8		la .reizvat.	6	1 5
la .pez. fold.	7	0 0	3		la .cmanum.	7	2 5
la .pritchman.	7	1 5	4		la .melvin.	7	5 0
la .melvin.	7	4 5			.cmanjip.	8	0 8
la .reizvat.	8	0 0			.fold.	8	1 5
la .derjarb.	8	0 2	1		la .tiz. tcad.	8	4 0
la .cmanum.	2	4 5	2		la .rij. cman.	9	2 5
la .cmanjip.	9	1 0	5		la .gus. jarb.	9	5 5

.ijebabo ko'a lebna lo nacysni be li so gi'e punji vo'e lo jibni be lu'e li re  
 .i ko'a za'uroi muvgau lo lerfu .e lo namcu  
 .i ko'a gleki lonu tai sidju mutce







.i fatci fa lodu'u frili dukse fa lonu lo smani co'a selfe'u  
.i ku'i zanju'a ko'a fa lodu'u frili ji'a fa lonu lo smani cu rivbi lonu selfe'u



.icabo lo selma'ergi'a cu ki'asku lu ju'i do ko se marce li'u  
.i lo prenu so'imei cu sutra lonu klama lo trene  
.i ko'a sampu sakli lo grana



gi'e klasutra ga'u lo li'urdakli gi'e kansa be le so'imei be'o da'egre lo binvrogai  
.i bu'uku ko'a facki fi lo prane stuzi be lonu lo smani cu vobmipri


.i ko'e bajra pagre ji'a le bimvrogai  
.i lu ko zgana doi .paf. .iu sei ko'e cusku  
.i lo trene li'u  
.i lo patfu be ko'e ku goi ko'o co'a zgana  
.i lu ko xrukla doi bersa sei ko'o ki'asku  
.i ta na me lo mi'o trene li'u





.i ku'i lerci dukse  
.i le bimvrogai mo'u telga'o ti'a ko'e  
.i ko'e co'a klaku

.i ko'a mipcta fi le mipri stuzi be ko'a




.i ko'a viska lonu le selkei pe ko'e ge'u goi fo'a  
gunro fa'a lo teryre'e  
.i ko'e bajra fa'a fo'a



.i caku ko'a djuno lodu'u kakne lonu sidju  
.i ko'a plipe fi lo mipri stuzi be ko'a gi'e sutra co bajra  
.i ko'a lebysutra le matryselre'e selkei pu lonu ko'e jbkla le teryre'e

.i .ue ja'aru'e ckape rivbi








.i ca lonu ko'i kargau le bimvrogai kei ko'o bajykla ko'e  
.i ko'e na ca'o klaku  
.i ko'e joi le co'a pendo be ko'e cu kelci




.i lu za'a do vi zvati sei ko'i ca lonu viska ko'a cu cusku  
.i do ja'a jai rinka so'i nabmi be fi tu'a le barda tanbo li'u  
.i lu .e'u ko na fengu ti sei ko'o cusku  
.i ti pu nurxru lo bersa be mi li'u  
.i loi prenu be bu'u le tsina be'o goi fo'a tugni  
.i fo'a ba'o viska lei fasnu gi'e xanvruzau gi'e geirki'a  
.i ko'a vudvri




.icabo le nanmu pe le pelxu mapku ge'u goi fo'a klamu'o co se kansa la .nim. .jesnis.  
.i lu ca tcika lonu ma'a bilga lonu cliva doi .tercang. sei fo'a cusku  
.i lo ma'a trene ca'o klamu'o li'u



.i lu ti me ji'a lo ba'e mi'a trene li'u sei ko'o cusku  
.i ko'e se cnijicla  
.i lu .i'epei ko'a kansa mi'o li'u sei ko'e teryrei



.i roda zanru  
.iseki'ubo ko'i cpedu fi le selma'ergi'a goi fo'a  
fe lonu tolcri lo steci seltse be ko'a joi ko'e



.ije fo'a tolcri  
.i bu'u lo crane

fa'o